

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Vuolstano episcopo Vuigorniensi.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

DE SANCTO VVOLSTANO, VVIGORNIENSI
EPISCOPO ET CONFESSORE: CVIVS VITAM SCRIP-

*pfit Brauonius quidam monachus Vvigniensis: quanquam igno-
ro vtrum haec sit, vel eius vita potius quedam epitome.*

445

Mabilis Deo Vuolstanus in prouincia Vuarevuicensi ori- 19. JANVAR.
undus, & in monasterio de Burgo literis & officijs eccl-
esiasticis instruetus, Missam morosè cantabat, aliasque ora-
tiones adiiciens, solis fidelium oblationibus contentus
erat. Hic virgo existens, superflui potus semper expers, esui s. Vuolsta-
nus carnium indulxit: quibus tamen spernendis occasio talis ^{nus virgo} fuit. Die quadam cùm ad placitum quoddam exiturus,
Missa celebrata cibum sumere statuit, apposita igni auca,
nidor adustæ carnis nares celebrantis oppleuit, odor men-
tem auocauit. Sed cùm diù reluctans, cogitationem auer- Renunciat
tere non posset, iuramentum ad sacramenta, quæ tractabat, esui carniū.
fecit, nullo sc̄e amplius pacto id genus cibi comedetur. Completa verò Missa, iejunus
ad negocium discessit. Seculo tandem relicto, in monasterio Vvignensi, in quo pater fit mona-
sus seruierat, monachus effactus, per omnia penè loci officia gradiens, ad Prioratum chus,
ascendit. Ieiunijs, vigilijs & orationibus iugiter indulxit: super scandum in ecclesia, li-
bro, in quo orabat, capiti supposito, dormire consuevit.

Nocte autem quadam ante altare in ecclesia orans, dæmonem ad lucam eum im-
portunè prouocantem, quanvis passione fatigatus, illum ter complectens prostrauit.
Apparuit autem illi in forma seruentis cuiusdam de curia, quem postmodum quoties
Vuolstanus videret, expalluit, ad catera semper timore vacuus. Affirmabat enim se ne-
scire, quid esset timor. Pro fractura pontis equum nunquam descendit: quin etiam in
summitate fabricarum angustarum securus incederet. Cùm matrona quedam pul-
cherrima, nobilis ac diues, in concupiscentiam eius insano amore ac illico decepta,
intantum vexaretur, vt tentationi resistere non valeret, desiderium suum ei aperit, su-
spirando rogat & orat, vt cubile suū, paululum m̄tigore postposito, ingredi dignaretur.
Ille verò vocem funestam vteriū non ferens, sermone loquentis interrupto, & facto Contemnit
fronti crucis signaculo, dixit: Fuge fomes lasciuiae, mortis filia, vas satanae: alapamque mulierē nos
mulierculæ tanto nisu impegit, quod crepitus illis palmae circunquaquæ auditus fuit. scelus inuis
Sicque alter Ioseph muliebrem lasciuiam animo respuens, manu compescet. tantem.

Solebat autem sedula deuotione omni Dominica populo verbum Dei prædicare:
quem frater quidam increpans, solius asseruit esse pontificis prædicare: monacho silen-
tium & claustrum competere. Cui sanctus respondit: Verbum Dei nō est alligatum, ni- 2. Tim. 2;
hilque Deo gratius, quam Christum annunciare, populumque ab errore viæ suæ reuo-
care: ideoque se non omissemur. Nocte sequente frater ille ad tribunal ignoti iudicis
in visione ductus, & cur seruum suum obiurgasset, redargutus, in patimentum iussus est
sterni & cedi. Lachrymæ verò in maxillis, & liuores euidenter in scalpis euigilantis ap-
paruerunt. Cuius calamitate motus vir Dei, benedictionem ei dedit, & statim sanitas ei
redit, omneque doloris vestigium conqueuit. Cùm quidam de campanili præceps ru- Nota' vna
ret, Vuolstanus eminens & intuens, condoluit, & signum crucis opposuit: casusq; crucis.
tuentis corpus non solum non attriuit, sed nec animum frigente sanguine, vt solet, he-
berauit. Surrexit in columnis, suæ temeritati imputans, quod cecidit: & Vuolstani sancti-
tati, quod euasit. Tribus in hebdomada diebus omnis cibi abstinentis, perpetuo lingua Mira eius
cohibuit silentio: reliquis tribus porros vel caules clixos & panem hordeaceum co- abstinentia.
medebat.

[†] Cumque electioni de se factæ ad consentiendum minimè flechi posset, à viro Dei ^{† Hic omis.}
Vuolstano, per quadraginta annos inclusio, acriter pro obstinatio corruptus, diuinoque sum eff. q.
oraculo perterritus, electioni consensit. Cùm autem Vuilhelmus rex literaturæ insuf- fuit creatus
ficientiam & Gallici sermonis imperitiam prætendens, Vuolstanum officio priuare ni- Episcopus.
teretur, conuocato concilio, iubet Lanfrancus archiepiscopus venerabilem virum ba-
culum resignare cum annulo. Vir autem Dei nec vultu mutatus nec animo, exxit se, &

Pp virginam

virgam pastoralem manu tenens, dixit: Verè domine archiepiscope, verè scio, quia nec
hoc honore dignus sum, nec huic aptus oneri, nec sufficiens labori. Sciebam enim hoc,
cūm me clerus eligeret, cūm episcopi cogerent, cūm me dominus meus ad hoc offici-
cium inuitaret. Ipse autoritate sedis Apostolicæ in meos humeros hoc onus refudit, &
per hunc baculum, me episcopal gradu inuestiri præcepit. Nunc tu pastoralem virgam
exigis, quam non tradidisti: officium admis, quod non contulisti. Et ego quidem insuf-
ficiantem meam non ignorans, & huic sanctæ synodi sententia cedens, resignabo qui-
dem baculum, sed non tibi: sed potius ei, cuius eum auctoritate suscepi. His dictis, acce-
dens ad tumulum sancti Eduardi, & stas ante sepulcrum, dixit: Tu scis dominem mi, quām
inuitus hoc * opus susceperim, quoties subterfugerim, quoties me, cūm quererer, ab-
sentauerim. Fateor, insipiens factus sum: sed tu me coëgisti. Nam licet non de esset fra-
trum electio, plebis petitio, episcoporum voluntas, gratia procerum: his tamen omnibus
preponderabat tua auctoritas, tua magis vrgebat voluntas. Et eccè nouus rex, no-
ua lex, nouus pontifex, noua iura condunt, nouas sententias promulgant. Te erroris ar-
guunt, qui iussisti: me presumptionis, qui consensi. Et tunc quidem falli potuisti, vt ho-
mo: sed nunquid modò coniunctus Deo? Non igitur illis, qui exigunt, quod non dede-
runt: qui cūm sint homines, fallere possunt & falli: sed tibi, qui dedisti, & iam deductus in
ipsam veritatem, ignorantia vel erroris tenebras evasisti, tibi resigno baculum, tibi cu-
ram eorum, quos mihi commendasti, dimitto. Tibi securè eos committo, cuius ego me-
rita non ignoro.

**Sancti in eq-
lis coniuncti
sunt Deo.**

Hæc cūm dixisset, eleuata paululum manu, in lapidem, quo sanctum corpus tegeba-
tur, baculum infixit, dicēs: Accipe domine mi rex, & cui libuerit, trade illum. Et exutus
pontificalibus, inter monachos ipse iam monachus simplex resedit. Admirabātur omnes,
cernentes virgam lapidi immersam, & quasi radicibus vteretur, non moueri. Cumque
baculum tentantes, nulla ratione euellere possent, res defertur in synodus, & Gundul-
fus Roffensis episcopus, à Lanfranco missus est ad sepulcrum: qui cūm baculum nulla-
tenus mouere valeret, Lanfrancus nouitatem miraculi stupefactus, vnā cum episcopis
& rege ad tumulum properans, facta oratione, manum frustra ad eruendum baculum
apposuit. Exclamat rex, orat pontifex, & ad sanctum ait: Verè iustus Dominus, & cum
simplicibus graditur, & cum humilibus sermo cius. Derisa est à nobis, frater, tua sonda
simplicitas: sed eduxit quasi lumen iustitiam tuam. Errauit in te iudicium nostrum, &
simplicitatem Deo gratam omnibus propalauit. Authoritate proinde, qua fungimur,
in iudicio diuino iudicio, quo conuincimur, curam, qua te inconsultius exuimus, iterum
tibi committimus & imponimus. Ille autem impossibilitatem suam, & onus supra vires
pretendens, asserit in loco sancto ministrum sanctum statuendum. Vicitus tandem pre-
cum instantia, coram omnibus ad sepulcrum accessit, virgam manu tetigit, & mox ma-
num eius secuta, acsi in molli luto fuisset impressa, desiliit. Lanfrancus ergò ad pedes ci-
us prouolutus, fatetur delictum, veniam implorat, dicens simplicitatem eius Deo ac-
ceptam & beneplacitam, qui sapientiam huius mundi stultam facit, vt fortia confundat, &
gratiam infundat humilibus.

**Gundulfus
Roffensis
Episcopus.**

Mulierem quandam à dæmonio vexatam, per camporum deuia spiritus impetu va-
gantem, sua benedictione valetudini pristinæ restituit, ac præcepit, vt nō Vuolstanum,
sed Deum benediceret, virtutes amaret, pudicitiam non perderet, nè deterius ei aliiquid
contingeret. Mulier eius monita sequens, in sanctimoniali habitu placentem Deo vi-
tam egit. Dæmoniacus quidam, ferreis catenis posti alligatus, tanta vocum variarum
confusione locutus est, vt ex uno ore quasi exercitum loqui crederes. Viso autem pon-
tifice, totis intremiscens membris, stridebat dentibus: patulo rictu sputa euomens, ma-
gno hiatu obstrepere coepit. Tanto incommodo sacerdos impalluit, & expansis in ca-
lum manibus, oravit, & infirmus statim cœdualuit. Leprosus quidam visu horridus, car-
ne maculosus, aqua lotionis manuū sancti viri in balneo posita se lauit, & pustularum
continuò tumor resedit, mortiferum virus effluxit, omnisque caro in puerilem purita-
tem breui refloruit: & impetigine & scabie capitis abolita, cæsaries succrescentibus
capillis reformatur. Gunnildis sanctimonialis, regis Haraldi filia, tumor infestus ocu-
los inuasit, & moles palpebrarum visum obducens, massa carneæ appelleuit. Suscepta ve-
rò episcopi sancti benedictione, deicatis & creatis palpebris, lucem serenam virgo con-
sequitur.

**Item dæ-
moniacū.**

**Leprosus
mundatur.**

Elinus

Elsinus regis Eduardi quondam minister, ad consecrandam ecclesiam episcopum precibus aduocauit. Erat autem in cœmeterio arbor nuccea, patulis frondibus umbrosa, quæ luxuriante ramorum amplitudine, luminibus officiebat ecclesia. Solebat autem vir ille aleis & epulis sub eadē arbore vacare: & cūm iussisset eam episcopus abscondi, maliuit ecclesiam non dedicari, quām arborem inde penitus deponi. Vir ergo sanctus maledictionis iaculum in arbore offensus intorsit, & illa quasi vulnerata, paulatim sterilescent, radicibus exaruit, & frumentu caruit. Exacerbatus inde dominus, eam abscondi iussit, & dixit: Nihil Vuolstani maledictione amarius, nihil eius benedictione dulcius poterit inueniri.

Cūm quidam de Anglia versus Hyberniam nauigarent, mutata celi clementia, flauit spiritus procellæ, inhorruit fragor ventorum, factaque est tempestas valida. Diruptis Absens in, rudentibus & malo effracto, inuocato sancti Vuolstani suffragio, quidam in eius effigie vocatur, & fit quod pe- appârens, armamenta consolidat, rudentes coaptat, & vt animos reuocarent exhortâs, titur. erigerent antenas, quia tranquillitatem daturus esset Dominus. Et confessum serenitate redditia, mare tranquillum efficitur.

Vilioribus indifferenter vtebat pellibus, magis tamen agnitiis, frigus depellens. vnde & cuidam suggestenti, vt pelles saltem catinas admitteret, ait: Crede mihi, cantari non audiui, Catus Dei: sed Agnus Dei: ideò agno volo calefieri. Legebantur ad mensam eius ædificationum libri, cunctis interim summum præstantibus silentium. Quietè mēsam eius, verò epulis data, vt calestem impartiret alimoniam, quibus ministrauerat corporalem, lectionem patria lingua exponebat. Cūm verò post prandium secundum morem potus porrigeretur, ipse aquam puram, solo ministro conscientia, sumere consuevit. Primis quidem annis meram hauriebat aquam: confessus senio, vino vel ceruisia mixta. Disciplinam domus sua tam in laicis quām in clericis severissimè exercens, legem statuit, vt nullum impunè ridere sinerent: alioquì aut potu eo die caruit, aut palma istum ferula excepit. Laicum nullum de suis quoquā misit, cui non preces septies in die dicendas inungeret: hoc afferens, vt sicut clerici septem Horas, ita laici septem orationes Deo libarent. Si quis ante eum iuraret, statim ferula vindicta sequebatur. Indigne ferebat, si quis coram eo aliorum vitam roderet, vel carperet mores: quoniam hoc summæ malitia deputabat.

Noctibus autem post modicum somnum surgens, psalterium dicebat, nonnunquam Ego nocturnus, nè aliorum quietem impediret: quandoquā cum socio, quem ceteris vigilantiō- rem deprehendit. Et cūm somnolentiam cuiusdam fratris nutu nocte quadam argue- ret, & ille oscitabundus & inuitus resideret, cūm corpus quieti daret, magna vi pervi- sum concussum, flagris cęsus, inconsulta temeritatis poenas perculit. Dat postremò fidem, quod nunquam ulterius virum D E I à bono opere impeditre præsumeret. Missas duas ad minus quotidie audire, & ipse tertiam cantare solebat. Ascenso equo, psal- terium incipere, nec pausam, nisi ad finem, facere consuevit. Eius cubicularius præ- stol eleemosynam deferebat, nulli egenti denegādam. Vbi cunque iacéret, staret vel ambularet, semper in ore psalmus, semper in corde Christus. In singulis villis suis habebat radiculas, in quibus se à manè post Missam inclusit, donèc clericus pulsatione ostij, tem- pusprandij vel Horarum nunciaret. Quando erat Vuigornia, Missam maiorem loco hebdomadarij quotidie ferè cantabat, à quo, vt dixit, officio pro episcopatu resignando noluit absolui. Collationi monachorum interfuit, & confessione dicta, & benedictione data, ad sua rediit.

Dum quadam vice monachi sui ad maiorem ecclesiam migrarent, quā ipse constru- erat, & videret ecclesiam antiquam destrui, quam sanctus Osualdus construxerat, lachrymas fudit. Super quo modestè redargutus, quod potius gaudere deberet, quod se su- perfite tantus honor ecclesiae suæ accidisset, quod multiplicatis monachis ædificia au- gerentur, dixit: Ego longè aliter intelligo, quod nos peccatores & miseri opera sancto- rum destruimus, vt nobis laudem comparemus. Non nouerat illa ætas pompatica con- struere, sed sub qualicunque teatro scipios Deo immolare, subiectosque ad exemplum attrahere. Nos econtrà nitimur, vt curam animarum negligentes, cumulemus lapides. Dum tempore quodam sanctus Vuolstanus sermonem de pace faceret, & multi ad con- cordiam redirent, unus inter eos nullo suaſu, nec etiam episcopi rogatu, pro fratri ne-

*Nota sancti
Et viri existimam hu-
militatem.*

ce homicidæ veniam petenti indulgere voluit. Huic in medium adducto, dixit episcopus: Beati pacifici, quoniam filii Dei vocabuntur. Constat ergo, quod pacifici, sunt filii Dei & beati: & discordantes, sunt miseri & filii diaboli. Illi igitur, cuius es, te committo, & tradō carnem tuam satanæ. Statim ille mancipium hostile effecit, dentibus stridere, spumas iacere, caput rotare cœpit. A Vuolstano demum sanatus, cùm pacem adhuc reseceret. Ailuinus quidam apud saltum Maluerne anachoreticè degens, desiderio Hierosolymitanii itineris sibi panderet, dissuadens episcopos, dixit: Desiste sodœs Ailuine: crede mihi, mirareris, si scires quæ per te Deus facturus sit. Acquiescens ille, in loco illo ad numerum tricenarium monachos congregauit, & Maluerne monasterium fundauit.

Quidam nomine Feuolfus, dum sibi eadem peccata episcopo panderet, ait episcopos: Opportunitas, ut video, latronem facit: id est consulo, ut monachus fias: & sic viatorum importunitate carebis. Cùm verò ille pro rigore ordinis hoc renueret, Vade, inquit, monachus fies, velis nolis. Tandem ille senescens, & apud Malmesbiri tonsatus, quoties dictum Vuolstani menti ingessit, mitius se habuit.

Dum alumni sui Nicolai caput palparet, qui iā iuuenis caluescere cœpit, ait ad eum: Puto filii, quod citò calvus eris. Et ille: Quare pater non tenes crines meos? Cui episcopus: Credite fili, quandiu vixeris, residui non deficient. Et factum est ita. Hebdomada nanique illa, qua episcopus obiit, omnes capilli eius ita euanuerunt, ut quasi nudam cutem relinquerent. Anno autem Domini millesimo sexagesimo septimo, episcopatus sui tricesimoquarto, etatis sua octogesimo septimo, quartodecimo Calend. Februarij defunctus seculo, viuere cœpit in Christo. Annulus autem, quem in consecratione accepit, multis annis digito eius hæcere non potuit, & crebro lapsus, nunquam amissus fuit. Quippe caro digitorum ita exinanita fuerat, ut vix pellicula ossibus inhereret. fertur enim sibi ipsum dixisse: Annulum, quem sine ambitu suscepi, inseparabilem mihi in humum portabo. Post obitum eius quidam annulum digito subtrahere inuanum tentauerunt. ita enim pelvis plena, protuberantes articuli, neruorum integritas restituta videbantur mortuo, quæ præ abstinentia, exinanita fuerant viuo. Elapsus autem post obitum eius annis centum, dum transferretur corpus eius, & in scrinio precioso collocatur, repertum est vna cum vestimentis pontificalibus integrum & incorruptum.

Corpus eius post annos centum, dum transferretur corpus eius, & in scrinio precioso collocatur, repertum est vna cum vestimentis pontificalibus integrum & incorruptum. Miracula. Inter multa verò miracula pro famulo suo à Deo patrata, mulierem quinque annis incuruatam ac inclinatam, humilique accluem curauit, linguam pueri à nouera absconditam reparauit, cęcos quinq; illuminauit, demoniacos quinq; sanauit, mutis quatror loquelam reddidit, mortuos tres resuscitauit, leprosos duos mündauit, & hydropticis duabus sanitatem contulit. Infra triduum vice quadā triginta quinq; varijs morbis oppressi, salutem consecuti, gratias Deo & sancto eius referebant.

Oculos iuuenis cuiusdam, ab æmulis effosso, & in campum projecto, sanauit. Non autem illi proprios restituit, sed nouas & modicas in fossarum profunditate pupillas tanquam duas posuit prunulas, & quas varias habuit à natura, nigras recepit ex gratia. De die autem in diem usque ad quantitatem competentem creuerunt. Testiculi eiusdem iuuenis ab eisdem æmulis à follibus suis eruti & præcisi, longiusque projecti, eidem sunt restituti, vulneraque omnia, diuersis corporis locis accepta, in momento sunt curata. Iuuenis iste Thomas nomine, cùm pecuniam multam congregasset, quedam domina mutuò pecuniam ab eo recepit, & tandem ad forninandum cum ipsa allexit. Qui tandem compunctus, cùm dignè pro commissione sanitatis fecisset, illa contemptam se dolens, & repulsam erubescens, quendam iniquum & malefactorem in matritum assumpsit, & ad supradictum opus nefarium cum instigauit.

GESTA